



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O PREGLEDU
GODIŠNJEG FINANSIJSKOG IZVJEŠTAJA ZA 2018. GODINU
HRVATSKE LISTE ZA LIVNO

S A D R Ź A J

1. UVOD	4
2. PREDSTAVLJANJE POLITIČKE STRANKE	4
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1 NALAZI	5
5.2 PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske liste za Livno za 2018. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbe poglavlja 15. Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2018. godinu, utvrđeno je da je Hrvatska lista za Livno prekršila odredbe člana 11. stav (1) i člana 12. Zakona o finansiranju političkih stranaka.

Na osnovu našeg pregleda, odnosno kontrole godišnjeg finansijskog izvještaja, osim gornjih napomena, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske liste za Livno za 2018. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Pregled i kontrola finansijskih izvještaja provedeni su u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatska lista za Livno se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	12.400,00	73,78
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	1.200,00	7,15
7.	Prihodi iz budžeta (3-f)	3.206,00	19,07
8.	Prihodi od propagande (3-g)	0,00	0,00
I	Ukupni prihodi (1-8)	16.806,00	100,00
II	Ostali prihodi i drugo	0,00	0,00
	Izvori finansiranja (I+II)	16.806,00	100,00

U godišnjem finansijskom izvještaju stranka je iskazala rashode u ukupnom iznosu od 14.778,19 KM.

2. PREDSTAVLJANJE POLITIČKE STRANKE

Naziv političke stranke je Hrvatska lista za Livno. Skraćeni naziv je HLzaLIVNO.

Hrvatska lista za Livno je registrovana kod Općinskog suda u Livnu, Rješenjem broj: 068-0-F1-16-000-002 od 15.04.2016. godine.

Sjedište stanke je u Livnu, Sinjska 4.

Lice ovlašteno za zastupanje Hrvatske liste za Livno je Jakov Perković, predsjednik stranke.

Lice ovlašteno za podnošenje finansijskih izvještaja za 2018. godinu također je Jakov Perković.

U godišnjem finansijskom izvještaju za 2018. godinu, Hrvatska lista za Livno je navela da nema niže organizacione nivoe.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaji Hrvatske liste za Livno za 2018. godinu i finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama poglavlja 15. Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

Obim pregleda i kontrole finansijskih izvještaja Hrvatske liste za Livno obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskim izvještajima sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled godišnjeg finansijskog izvještaja Hrvatske liste za Livno za 2016. i 2017. godinu, nakon čega je izdat izvještaj o pregledu sa mišljenjem revizora, nalazima revizije i preporukama političkoj stranci.

Nakon izvršenog pregleda godišnjeg finansijskog izvještaja za 2017. godinu, izdat je izvještaj o pregledu sa mišljenjem revizora, nalazima revizije i preporukama stranci da uspostavi tačne evidencije o prihodima, rashodima i obavezama, da poslovne knjige vodi u skladu sa računovodstvenim propisima i da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2018. godinu, utvrđeno je da politička stranka nije ispoštovala preporuke revizije.

5. NALAZI I PREPORUKE

5.1 NALAZI

Hrvatska lista za Livno prekršila je odredbe člana 11. stav (1)¹ i člana 12. Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja i dodatne finansijske dokumentacije, utvrđeno je da Hrvatska lista za Livno nije pravilno evidentirala prihode i rashode, čime je prekršila računovodstvene propise i odredbe člana 11. stav (1) i člana 12. stav (1)² Zakona o finansiranju političkih stranaka. Stranka nije popunila obrasce godišnjeg finansijskog izvještaja u

¹ Politička stranka dužna je voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom.

² Politička stranka dužna je voditi evidenciju o svojim prihodima i rashodima.

skladu sa Pravilnikom o godišnjim finansijskim izvještajima političkih stranaka-u daljem tekstu: Pravilnik, čime je prekršila odredbe člana 12. stav (4)³ Zakona o finansiranju političkih stranaka.

(1) Hrvatska lista za Livno je u Bilansu uspjeha za 2018. godinu evidentirala ukupne prihode u iznosu od 3.206,00 KM, dok je u godišnjem finansijskom izvještaju iskazala ukupne prihode u iznosu od 16.806,00 KM, što je za 13.600,00 KM više u odnosu na evidentirani iznos u Bilansu uspjeha. Pogrešnim iskazivanjem ukupnih prihoda stranka je prekršila odredbe člana 13. Pravilnika.

- Hrvatska lista za Livno je u godišnjem finansijskom izvještaju iskazala pozajmice od fizičkih lica kao priloge fizičkih lica, čime je prekršila odredbe člana 13. i 14. Pravilnika.

Pregledom ugovora o pozajmicama⁴ i izvoda sa transakcijskih računa stranke, utvrđeno je da je stranka primila pozajmice od fizičkih lica u iznosu od 12.400,00 KM koje je u godišnjem finansijskom izvještaju iskazala kao priloge od fizičkih lica.

Stranka je u obrascu 5 (obaveze po pozajmicama) iskazala svoje obaveze u iznosu od 11.400,00 KM, jer je tokom 2018. godine vratila dio pozajmice u iznosu od 1.000,00 KM⁵.

- U godišnjem finansijskom izvještaju, koji je podnijela Centralnoj izbornoj komisiji BiH, stranka je u obrascu 3 (izvori finansiranja), te obrascu 3-e (nenovčane donacije i računi koje politička stranka nije imala obavezu platiti), prijavila nenovčanu donaciju fizičkog lica u iznosu od 1.200,00 KM⁶ po osnovu besplatnog korišćenja uredskih prostorija, dok u poslovnim knjigama nije evidentirala pomenutu nenovčanu donaciju.

(2) Stranka je u Bilansu uspjeha evidentirala ukupne rashode u iznosu od 13.546,00 KM, dok je u godišnjem finansijskom izvještaju iskazala ukupne rashode u iznosu od 14.778,19 KM, što je za 1.232,19 KM više u odnosu na evidentirani iznos u Bilansu uspjeha. Razlika se odnosi na ne proknjiženi zakup uredskih prostorija. Pogrešnim iskazivanjem ukupnih rashoda, stranka je prekršila odredbe člana 21. Pravilnika.

(3) Politička stranka je u skladu sa odredbom člana 12. stav (2) Zakona o finansiranju političkih stranaka⁷ imala obavezu da u godišnji finansijski izvještaj uključi koristi ostvarene od aktivnosti udruženja „Hrvatski narodni sabor Bosne i Hercegovine“, koje je povezano sa političkom strankom, jer je stranka članica ovog udruženja⁸.

Troškovi izborne kampanje

Prema odredbama člana 15.10 Izbornog zakona Bosne i Hercegovine politička stranka za potrebe izborne kampanje ne smije potrošiti više od 0,30 odnosno 0,20 KM⁹ po biraču u svakom izbornom

³ Do 31.03. naredne godine politička stranka podnosi finansijski izvještaj u formi koju odobri Centralna izborna komisija BiH.

⁴ Ugovor o pozajmicama sa Renatom Marinčićem, broj: 03/2018. godine u iznosu od 2.600,00 KM; Ugovor o pozajmicama sa Jakovom Perkovićem, broj: 02/2018. godine u iznosu od 2.800,00 KM i Ugovor o pozajmicama sa Jakovom Perkovićem, broj: 01/2018. godine u iznosu od 7.000,00 KM.

⁵ Stranka je vratila dio pozajmice od Jakova Perkovića.

⁶ Aneks ugovora o zakupu uredskih prostorija sa Ivicom Jazvo vlasnikom uredskih prostorija, broj: 01/2017 od 31.12.2017. godine.

⁷ Politička stranka obavezna je u svom finansijskom izvještaju uključiti sve koristi ostvarene od aktivnosti subjekata koji su na bilo koji način povezani s političkom strankom ili su pod njenom kontrolom.

⁸ Hrvatski narodni sabor Bosne i Hercegovine kao udruženje promovise političke stranke i njene članove, učestvuje u provođenju izborne kampanje i kreira programe koji su bitni samo političkim strankama, članicama ovog udruženja.

⁹ Član 15.10 stav (2) propisuje se da se maksimalno dozvoljeni iznos za finansiranje izborne kampanje izračunava što se broj glasača u svojim izbornim jedinicama u kojima politički subjekt ima kandidatsku listu ili kandidata pomnoži sa:

krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Hrvatske liste za Livno je u svrhu izborne kampanje mogla da potroši 6.495,40 KM.

Hrvatska lista za Livno je u godišnjem finansijskom izvještaju za 2018. godinu iskazala troškove izborne kampanje u iznosu 2.247,44 KM.

5.2 PREPORUKE

Preporučuje se Hrvatskoj listi za Livno da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da poslovne knjige vodi u skladu sa računovodstvenim propisima, odnosno da vodi pravilne evidencije o svojim prihodima i rashodima,*
- *da u finansijskom izvještaju uključuje sve koristi ostvarene od aktivnosti udruženja koje je povezano sa političkom strankom i*
- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR

Politička stranka se nije očitovala na nalaze revizije navedene u Preliminarnom izvještaju o pregledu godišnjeg finansijskog izvještaja za 2018. godinu.

Pomoćnik revizora

Mr.sc. Goran Cicović

Šef Službe za reviziju

Mr.sc. Hasida Gušić

30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta FBiH, članove Parlamentarne skupštine BiH, člana Predsjedništva BiH, predsjednika i potpredsjednika RS, odnosno 20 feninga za izbore za članove kantonalnih skupština.